

Sarajevo, 31-05-2019
Broj: 02-03-27736

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-26281 od 23.05.2019.godine, Generalna direktorica donosi:

ODLUKU

o izboru najpovoljnijeg ponuđača
za nabavku hemodijaliznih aparata

I

Prihvata se prijedlog Komisije za javnu nabavku, Izvještaj br. 03-06-26281 od 23.05.2019.godine godine, za nabavku hemodijaliznih aparata za potrebe Klinike za hemodijalizu, nakon provedenog otvorenog postupka javne nabavke i ugovor dodjeljuje najpovoljnijem ponuđaču:

1. INEL-MED d.o.o. Mostar

za Lot 1. Aparat za hemodijalizu tip 1 (5 kom)

- Ukupna vrijednost ugovora: 76.923,00 KM + PDV 13.076,91 KM = 89.999,91 KM sa PDV-om
- Tip ponuđenog: - Dialog + HDF online; BBraun Avitum AG Njemačka
- Uslovi plaćanja: odgođeno plaćanje 30 dana po ispostavljanju fakture.
Faktura se ispostavlja nakon tehničkog prijema i puštanja u rad aparata, a isto se obavlja komisijski uz prisustvo predstavnika ponuđača i ugovornog organa. Sastavni dio fakture je zapisnik o obavljenoj primopredaji aparata;
- Rok isporuke: 30 dana od potpisivanja ugovora i izdavanja narudžbenice.
- Garancija na isporučenu opremu: 12 mjeseci, a teče od dana potpisivanja Zapisnika o primopredaji aparata.

2. P.T.D. MGM FARM d.o.o. Kakani

za Lot 2- Aparat za hemodijalizu tip 2 (5 kom)

- Ukupna vrijednost ugovora: 76.846,00 KM + PDV 13.063,82 KM = 89.909,82 KM sa PDV-om
- Tip ponuđenog: - Fresenius 5008S On-line, Fresenius Medical Care -Njemačka
- Uslovi plaćanja: odgođeno plaćanje 30 dana po ispostavljanju fakture.
Faktura se ispostavlja nakon tehničkog prijema i puštanja u rad aparata, a isto se obavlja komisijski uz prisustvo predstavnika ponuđača i ugovornog organa. Sastavni dio fakture je zapisnik o obavljenoj primopredaji aparata;
- Rok isporuke: 30 dana od potpisivanja ugovora i izdavanja narudžbenice.
- Garancija na isporučenu opremu: 12 mjeseci, a teče od dana potpisivanja Zapisnika o primopredaji aparata.

II

Izabrani ponuđači dužni su u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

III

Ova Odluka stupa na snagu danom donošenja i objavit će se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

O B R A Z L O Ž E N J E

Na osnovu Odluke br. 02-03-10339 od 25.02.2019. godine pokrenut je otvoreni postupka javne nabavke u svrhu nabavke hemodijaliznih aparata za potrebe Klinike za hemodijalizu sa procijenjenom vrijednosti nabavke u iznosu 153.846,00 KM bez PDV-a odnosno 180.000,00 KM sa PDV-om. Predmetna nabavka je planirana Privremenim Planom javnih nabavki KCUS-a za 2019.godinu, pod klasifikacijom robe investicije, red.br.33 (Odluka o usvajanju br.295/18 – 02-01-66429/18) odnosno Planom javnih nabavki KCUS-a, pod klasifikacijom robe investicije, red.br.35 (Odluka o usvajanju Plana javnih nabavki KCUS-a za 2019.godinu br.360/19 od 08.04.2019. godine, broj protokola 02-01-18632 od 09.04.2019.godine). Postupak

nabavke je podijeljen na 2 (dva) Lot-a: Lot 1 - Aparat za hemodijalizu tip 1 (5 kom) 76.923,00 KM bez PDV-a i Lot 2 - Aparat za hemodijalizu tip 2 (5 kom) 76.923,00 bez PDV-a. Realizacija nabavke finansirat će se iz sredstava obezbjeđenih u Budžetu Kantona Sarajevo za 2018.godinu, razdjel 20-Ministarstvo zdravstva, ekonomski kod 615300 putem preraspodjele sredstava, po Odluci Ministarstva finansija KS br.08-14-39063/18.(Sporazum o sufinansiranju nabavke medicinske opreme za potrebe KCUS-a, broj 10-14-38441/18 od 24.12.2018. naš br.02-03-7-12 od 03.01.2019.god.)

Klinički centar Univerziteta u Sarajevu je dana 25.03.2019. godine na portalu e-nabavke, objavio Obavještenje o nabavci broj: 893-1-1-202-3-123/19 zajedno sa tenderskom dokumentacijom. Sa portala e-Nabavke tendersku dokumentaciju je preuzelo 14 (četnaest) potencijalnih ponuđača, a do krajnjeg roka određenog za prijem ponuda, 25.04.2019. godine, dostavljene su 4 (četiri) ponude ponuđača: Medika d.o.o. Mostar, Inel-Med d.o.o. Mostar, D Med Healthcare BH d.o.o. Sarajevo i PTD MGM Farm d.o.o. Kakanj.

Komisija za predmetnu javnu nabavku imenovana Odlukom broj: 03-06-19764 od 15.04.2019.godine je izvršila uvid i provjeru svakog dostavljenog dokumenta i ustanovila da ponude ponuđača : **Inel-Med d.o.o. Mostar; D Med Healthcare BH d.o.o Sarajevo i P.T.D. MGM FARM d.o.o. Kakanj** sadrže tražene elemente ponude i ispunjavaju formalno pravne, suštinske i tehničke zahtjeve postavljene tenderskom dokumentacijom, te da **su prihvatljive** i mogu biti predmet vrednovanja.

Ponuda ponuđača Medika d.o.o. Mostar sadrži kopiran i ovjeren aktualni izvod iz sudskog registra kojim nije dokazano da ima registraciju za promet opremom koja je predmet nabavke. Osim toga uvidom u dostavljeni „Aktualni izvod“ iz sudskog registra konstatovano je da je 100%-i osnivač ponuđača Medika d.o.o.Mostar , ponuđač Inel-Med export - import d.o.o. Mostar. Nadalje ponuđač Medika d.o.o Mostar je dostavio „Rješenje o odobrenju stavljanja medicinskog sredstva u promet izdato od Agencije za lijekove i medicinska sredstva BiH“ izdato na ponuđača Inel med d.o.o. Mostar.

Iz navedenog je jasno da pouđač INEL-MED d.o.o Mostar ima osnovana/registrovana dva društva ograničene odgovornosti (INEL-MED d.o.o Mostar i MEDIKA d.o.o Mostar) i oba su dostavila ponude istog proizvođača u različitim lotovima.

Naime ponuđač Medika d.o.o. Mostar dostavio je ponudu za Lot 2. aparat Dialog+ HDF Online proizvođača BBraun Avitum Njemačka identičan aparatu koji je ponuđen i od strane ponuđača Inel-Med d.o.o. kao jedini ponuđač za Lot1. (Ponuda sadrži dokumentaciju: Rješenje o odobrenju stavljanja medicinskog sredstva u promet izdato od Agencije za lijekove i medicinska sredstva BiH koja je naslovljena na firmu Inel-Med d.o.o. Mostar).

Uvidom u dokumentaciju iz ponuda ponuđača Medika d.o.o. i Inel-Med d.o.o., konstatovano je da ponuđač Medika d.o.o. koristi dokumentaciju i podršku ponuđača Inel-Med d.o.o. i nudi se dijalizni aparat istog modela i proizvođača, što nije u skladu sa tačkom 2.2. Tenderske dokumentacije i Pravilnika o uslovima u pogledu prostora, kadra i medicinsko-tehničke opreme za osnivanje i organizaciju rada zdravstvenih ustanova koje obavljaju djelatnost dijalize. Tačkom 2.2. Tenderske dokumentacije koja se odnosi na podjelu na lotove, navedeno je:

“Ponuđači mogu dostaviti ponudu samo za jedan lot (Lot 1. ili Lot 2.), odnosno „Aparat za hemodijalizu“ jednog od proizvođača može se ponuditi u lotu 1. ili lotu 2., a sve u skladu sa članom 13. Pravilnika o uslovima u pogledu prostora, kadra i medicinsko-tehničke opreme za osnivanje i organizaciju rada zdravstvenih ustanova koje obavljaju djelatnost dijalize (Službene novine FBiH broj 89/11): „Prilikom nabavke aparata za dijalizu iz stava 1. ovog člana mora se poštovati princip odabira aparata za dijalizu najmanje dva različita proizvođača koji zadovoljavaju uslove iz člana 14. ovog pravilnika“, te članom 1. Pravilnika o dopunama pravilnika uslovima u pogledu prostora, kadra i medicinsko-tehničke opreme za osnivanje i organizaciju rada zdravstvenih ustanova koje obavljaju djelatnost dijalize (Službene novine FBiH broj 01/18): „S ciljem osiguranja zaštite i sigurnosti zdravlja pacijenata i nesmetanog obavljanje tretmana dijalize u dijaliznim centrima, načelo iz stava (3) ovog člana, dijalizni centar mora primjenjivati prilikom svake nabave više od jednog aparata za dijalizu, pod uvjetom da se nabava aparata za dijalizu vrši na osnovu Zakona o javnim nabavkama”.

U skladu sa prethodno navedenim, te zahtjevima postavljenim tenderskom dokumentacijom, ponuda ponuđača Medika d.o.o je neprihvatljiva i ne može biti predmet daljeg toka vrednovanja.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju

prijema jedne prihvatljive ponude, te se za lot 1. Aparat za hemodijalizu tip 1 (5 kom) postupak okončava u skladu sa članom 69. ZJN.

Za lot 2. Aparat za hemodijalizu tip 2 (5 kom) zakazana je e-aukcija u kojoj su učestvovali ponuđači: - D Med Healthcare BH d.o.o Sarajevo i -P.T.D. MGM FARM d.o.o. Kakanj, jer su dostavili prihvatljive ponude . E - aukcija je uspješno okončana 16.05.2019.godine u 12 h i 10 min i prema Izvještaju o toku i završetku e-aukcije koji čini sastavni dio Izvještaja, najpovoljnija je ponuda ponuđača P.T.D. MGM FARM d.o.o. Kakanj koja ima ukupnu vrijednost u iznosu od 76.846,00 KM bez PDV-a.

Obzirom da su cijene prihvatljivih ponuda za Lot 1 i Lot 2 u okviru osiguranih sredstava za nabavku, Komisija je Izvještajem br. 03-06-26281 od 23.05.2019.godine dala prijedlog, da se donese odluka o izboru najpovoljnijeg ponuđača i ugovor dodjeli ponuđaču: „Inel- Med“ d.o.o. Mostar za Lot 1- Aparat za hemodijalizu tip 1 i „P.T.D. MGM FARM“ d.o.o. Kakanj za Lot 2 – Aparat za hemodijalizu tip 2.

Prijedlog Komisije je prihvaćen i donosi se odluka kao u dispozitivu.



POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS